

DOMINICA PRIMA JULII.

OFFICIUM

PRETIOSISSIMI SANGUINIS D. N. J. C.

DUPLEX 2 CLASSIS.



Ad Vesperas.

Ant. Quis est iste, qui venit de Edom, tinctis vestibus de Bosra? iste formosus in stola sua.

Psalm. Dixit Dominus... cum reliquis de Dominica, et loco ultimi: Laudate Dominum omnes gentes...

Ant. Ego, qui loquor justitiam, et propugnator sum ad salvandum.

Ant. Vestitus erat veste aspersa sanguine, et vocatur nomen ejus Verbum Dei.

Ant. Quare ergo rubrum est indumentum tuum, et vestimenta tua sicut calcantium in torculari?

Ant. Torcular calcavi solus, et de gentibus non est vir mecum.

Capitulum. *Hebr. 9.*

Fratres, Christus assistens Pontifex futurorum bonorum, per amplius et perfectius tabernaculum non manufactum, id est, non hujus creationis, neque per sanguinem hircorum, aut vitulorum, sed

per proprium sanguinem introivit semel in Sancta, aeterna redemptione inventa.

Hymnus.

Festivis resonent compita vobiscibus,

Cives laetitiam frontibus explicent, Tædis flammiferis ordine prædeant Instructi pueri, et senes.

Quem dura moriens Christus in arbore,

Fudit multiplici vulnere sanguinem,

Nos facti memores dum colimus, decet

Saltem funderè lacrymas.

Humano generi pernicies gravis

Adami veteris crimine contigit:

Adami integritas, et pietas novam

Vitam reddidit omnibus.

Clamorem validum Summus ab æthere

Languentis Genitisi Pater audiit

Placari potius sanguine debuit

Et nobis veniam dare.

Hoc quicumque stolam sanguinis prouit,

Abstérget máculas, et róseum decus,
Quo fiat símilis prótinus Angelis,
Et Regi pláceat, capit.

A. recto instábilis trámite póstmodum

Se nullus rétrahat! meta sed última

Tangátur; tribuet nóbile præmíum,

Qui cursum Deus ádjuvat.

Nobis propítius sis, Génitor potens,

Ut quos Unigenæ Sáanguine Filii Emisti, et plácido Flámíne récreas,

Cæli ad cúlmina tránsferas.

Amen.

R. Redemísti nos, Dómine, in Sáanguine tuo.

R. Et fecísti nos Deo nostro regnum.

Ad Magnificat, Ant.

Accessístis ad Sion montem, et civitátem Dei vivéntis, Jerúsalem cælestem, et Testamenti Novi mediatorém Jesum, et Sáanguinis aspersionem mélius loquentem quam Abel.

Oratio

Omnipotens sempitérne Deus, qui Unigénitum Filium tuum mundi Redemptórem constituísti, ac ejus Sáanguine placári voluísti: concede quæsumus; salutis nostræ pré-

tium solémni cultu ita venerári, atque præsentis vitæ malis ejus virtúte deféndi in terris, ut fructu perpétuo lætémur in cælis. Qui tecum vivit... Et fit com. Dom.

Ad Matutinum, Invitatorium.

Christum, Dei Filium, qui suo nos redémit Sáanguine, * Veníte, adorémus..

Psalm. Veníte, exultémus...

Hymnus.

Ira justa Conditóris
Imbre aquárum vindice
Criminósum mersit orbem,
Noe in arca sóspite:

Mira tandem vis amóris
Lavit orbem Sáanguine:
Tam salúbri terra felix

Irrigáta plúvia.
Ante spinis quæ scatébat,
Germinávit flósculos;

Inque néctaris sapórem
Trásière absynthia.

Triste prótinus venénium
Dirus anguis pósuit,
Et cruénta belluárum

Désiit ferócia:
Mitis Agni, vulneráti
Hæc fuit victória.

O sciéntiæ supérnæ
Altitúdo impérvia!

O suávitás benigni
Prædicandá pectoris!
Servus erat morte dignus:

Rex luit penam óptimus.

Quando culpis provocámus
Ultiónem Júdicis,
Tunc loquéntis protegámur
Sáanguinis præsentia;
Ingruéntium malórum
Tunc recédant ágmina.

Te redemptus laudet orbis
Grata servans múnera,
O salutis sempitérnæ
Dux, et auctor ínelyte,
Qui tenes beáta regna
Cum Parénte et Spíritu.
Amen.

In primo Nocturno.

Ant. Postquam consummáti sunt dies octo, ut circumciderétur Puer, vocatum est nomen ejus Jesus.

Psalmus 2.

Quare fremuérunt Gentes, * et pulpuli meditáti sunt inánia?

Astítérunt reges terræ et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus á nobis jugum ipsórum.

Qui habitat in cælis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbabit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me: * Filius meus es tu, ego hódie genui te.

Póstula á me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc, reges, intelligite: * erudimini, qui judicátis terram.

Servite Dómino in timóre: * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Postquam consummáti sunt dies octo, ut circumciderétur Puer, vocatum est nomen ejus Jesus.

Ant. Factus in agonía prolixius orábat; et factus est sudor ejus sicut guttæ Sáanguinis decurréntis in terram.

Psalmus 3.

Dómine, quid multiplicáti sunt qui tribulant me? * multi insúrgunt advérsum me.

Multi dicunt animæ meæ: * Non est salus ipsi in Deo ejus.

Tu autem Dómine susceptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormivi, et soporátus sum * et exurréxi, quia Dóminus suscepit me.

Non timébo millia pópuli circumdántis me : * exúrge Dómine, salvum me fac Deus meus.

Quóniam tu percussisti omnes adversántes mihi sine causa : * dentes peccatórum contrivisti.

Dómini est salus : * et super pópulum tuum benedictio tua.

Ant. Factus in agonía prolixius orábat ; et factus est sudor ejus sicut guttæ Sánguinis decurréntis in terram.

Ant. Judas, qui eum trádidit, pœnitentiâ ductus, rétulit triginta argénteos, dicens : Peccávi tradens Sánguinem justum.

Psalmus 15.

Conserva me Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntates meas in eis.

Multiplicatæ sunt infirmitates eórum, * postea acceleravérunt.

Non congregábo conventícula eórum de sanguínibus : * nec memor ero nóminum eórum per lábia mea.

Dóminus pars hæreditatis meæ, et cálicis mei : * tu es, qui restitues hæreditatem meam mihi.

Funes cecidérunt mihi in præcláris ; * etenim hæreditas mea præclára est mihi.

Benedícam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspectu meo semper : * quóniam à dextris est mihi, ne commovear.

Propter hoc lætátum est cor meum, et exultávit lingua mea : * insuper et caro mea requiescet in spe.

Quóniam non derelínques animam meam in inférno : * nec dabis Sanctum tuum vidére corruptionem.

Notas mihi fecisti vias vitæ, adimplébis me lætitiâ cum vultu tuo : * delectationes in dextera tua usque in finem.

Ant. Judas, qui eum trádidit, pœnitentiâ ductus, rétulit triginta argenteos, dicens : Peccávi tradens Sánguinem justum.

Ÿ. Redemisti nos, Dómine.

R. In Ságuine tuo.

De Epístola B. Pauli Apóstoli ad Hebræos.

Lectio I. Cap. 9.

Christus assistens Póntifex futurórum bonórum, per amplius et perfectius tabernáculum non manufactum, id est, non hujus creationis, neque per sánguinem hircórum, aut vitulórum, sed per proprium Sánguinem introívit semel in Sancta, æter-

nâ redemptione inventâ. Si enim ságuis hircórum, et taurórum, et cinis vitulæ aspérsus, inquinátos sanctificat ad emundationem carnis : quantò magis Ságuis Christi, qui per Spíritum Sanctum semetipsum obtulit immaculatum Deo, emundábit conscientiam nostram ab opéribus mórtuis, ad serviéndum Deo vivénti ? Et ideo Novi Testaméti mediátor est, ut, morte intercedente, in redemptionem eárum prævaricationum, quæ erant sub prióri testaméto, repromissionem accipiant, qui vocati sunt, æternæ hæreditatis.

Ÿ. Jesus, ut sanctificáret per suum Sánguinem pópulum, extra portam passus est : * Exeámus igitur ad eum extra castra, improperium ejus portantes.

Ÿ. Nondum enim usque ad sánguinem restitistis advérsus peccátum repugnantes. Exeámus igitur....

Lectio II.

Ubi enim testaméto est, mors necesse est intercédât testatóris. Testamentum enim in mórtuis confirmátum est : alióquin nondum valet, dum vivit qui testátus est. Unde nec primum quidem sine ságuine dedicátum est. Lecto enim omni mandáto legis á Móyse univérso pópulo, accipiens sánguinem

vitulórum et hircórum, cum aquâ, et lana coccínea, et hyssópo, ipsum quoque librum, et omnem pópulum aspérsit, dicens : Hic ságuis Testaméti, quod mandávit ad vos Deus. Etiam tabernáculum, et omnia vasa ministérii ságuine simíliter aspérsit. Et ómnia penè in ságuine secundum legem mundántur : et sine ságuinis effusione non fit remissio.

Ÿ. Móyses sumptum ságuinem respérsit in pópulum : * Et ait : Hic est ságuis foederis, quod pépigit Dominus vobiscum.

Ÿ. Fide celebrábit Pascha, et ságuinis effusione, ne, qui vastábat primitiva, tangeret eos. Et ait....

Lectio III. Cap. 10.

Habéntes itaque, fratres, fiduciam in intróitu Sanctórum in Ságuine Christi, quam initiávit nobis viam novam, et vivéntem per velámen, id est, cárnem suam, et Sacerdotem magnum, super domum Dei : accedamus cum vero corde in plenitudine fidei, aspérsi corda á conscientia mala, et ablúti corpus aquâ mundâ, teneámus spei nostræ confessionem indeclinabilem (fidélis enim est qui repromisit) et considerémus invicem in provocatióne charitatis, et bonórum óperum.

Ÿ. Vos, qui aliquando erát

=6=

longé, facti estis propé in Sanguine Christi: * Ipse enim est pax nostra, qui fecit útraque unum.

¶ Complácuit per eum reconciliáre ómnia in ipsum, pacíficans per Sanguinem crucis ejus, sive quæ in terris, sive quæ in cælis sunt. Ipse enim... Glória Patri... Ipse enim...

In secundo Nocturno.

Ant. Pilátus volens pópulo satisfacere, trádidit illis Jesum flagéllis cæsum.

Psalmus 22.

Dominus regit me, et nihil mihi déerit: * in loco pásceæ ibi me collocávit.

Super aquam refectiónis educávit me: * animam meam convérfit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala: * quóniam tu mecum es.

Virga tua et háculus tuus, * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum, * et calix meus inébrians quam præclárus est!

El misericordia tua subsequétur me * ómnibus diebus vitæ meæ.

Et ut inhábitem in domo Dómini, * in longitúdinem diérum.

Ant. Pilatus volens pópulo satisfacere, trádidit illis Jesum flagéllis cæsum.

Ant. Videns autem, quia nihil proficeret, accéptá aquá, lavit manus coram pópulo, dicens: Innocens ego sum á Sanguine justí hujus.

Psalmus 29.

Exaltábo te Dómine, quóniam suscepisti me: * nec delectasti inimicos meos super me.

Dómine, Deus meus, clamávi ad te, * et sanásti me.

Dómine, eduxisti ab inferno animam meam: * salvásti me á descendéntibus in lacum.

Psállite Dómino, sancti ejus: * et confitémini memóriæ sanctitátis ejus.

Quóniam ira in indignatione ejus: * et vita in voluntáte ejus.

Ad vésperum demorábitur fletus: * et ad matutinum lætítia.

Ego autem dixi in abundantia mea: * Non movébor in ætérnum.

Domine, in voluntáte tua, * præstitísti decori meo virtútem.

Avertísti faciém tuam á me, * et factus sum conturbátus.

Ad te Dómine clamábo, * et ad Deum meum deprecábor.

Quæ utilitas in sanguine meo, * dum descéndo in corruptiónem?

Numquid confitébitur tibi pulvis, * aut annuntiábit veritátem tuam?

Audivit Dominus, et misértus est mei: * Dóminus factus est adjutor meus.

=7=

Convertísti planctum meum in gáudium mihi: * conscidísti saccum meum, et circumdedísti me lætítia:

Ut cantet tibi glória mea, et non compúngar: * Dómine, Deus meus, in ætérnum confitébor tibi.

Ant. Videns autem, quia nihil proficeret, accéptá aquá, lavit manus coram pópulo, dicens: Innocens ego sum á Sanguine justí hujus.

Ant. Et respóndens univérsum pópulus dixit: Sanguis ejus super nos, et super filios nostros.

Psalmus 63.

Exáudi, Deus, oratióem meam cum deprecor: * á timóre inimici éripe animam meam.

Protexisti me á convéntu malignántium: * á multitudíne operántium iniquitatem.

Quia exacuérunt ut gládium linguas suas: * intendérunt arcum rem amaram, ut sagittent in occúltis immaculátum.

Súbito sagitábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecérunt scrutántes scrutinio.

Accédet homo ad cor altum: * et exaltábitur Deus.

Sagittæ parvulorum factæ sunt plagæ eórum: * et infirmatæ sunt

contra eos linguæ eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei: * et facta ejus intellexérunt.

Lætábitur justus in Dómino et sperábit in eo, * et laudabúntur omnes recti corde.

Ant. Et respóndens univérsum pópulus dixit: Sanguis ejus super nos, et super filios nostros.

¶ Sanguis Jesu Christi Filii Dei.

¶ Emúndat nos ab omni peccato.

Sermo S. Joánnis Chrysóstomi.

Lectio IV.

Vultis Sanguinis Christi audire virtútem? redeamus ad ejus exemplum, et priórem typum recordémur, et pristinam scripturam narremus. In Ægypto, nocte médiá, ægyptiis Deus plagam décimam minabátur, ut eorum primogénita deperirent, quia primogénitum ejus pópulum detinébant. Sed ne amáta plebs judæórum uná cum illis periclitaretur, quia unus locus continébat univérsos, remédium discretiónis invéntum est. Proinde exemplum mirábile, ut discas in veritáte virtútem. Ira divínæ indignatiónis sperabátur, et domos singulas mórtifer circuibat. Quid igitur Móyses? Occidite, inquit agnum annículum, et sanguine ejusliníte jánuas. Quid ais, Móyses

Sanguis ovis rationalem hominem liberare consuevit! Valde, inquit: non eo quod sanguis est, sed quia Dominici Sanguinis per eum demonstratur exemplum.

¶. In timore incolatus vestri conversamini. * Scientes, quod non corruptilibus auro, vel argento redempti estis.

¶. Sed pretioso Sanguine quasi agni immaculati Christi. Scientes...

Lectio V.

Nam sicut regnantium statuæ, quæ sine causa sunt et sermone, nonnumquam ad se confugiuntibus hominibus anima et ratione decoratis, subvenire consueverunt, non quia sunt ære confectæ, sed quia retinent imaginem principalem; ita et sanguis ille, qui irrationalis fuit, animas habentes homines liberavit, non quia sanguis fuit, sed quia hujus Sanguinis ostendebat adventum. Et tunc Angelus ille vastator, cum linitos postes atque aditus pervideret, transiit gressus, et non est ausus intrare. Nunc ergo si viderit inimicus, non postibus impositum Sanguinem typi, sed fidelium ore lucentem Sanguinem veritatis Christi templi postibus dedicatum, multo magis se subtrahet. Si enim Angelus cessit exemplo, quanto magis terribitur inimicus, si ipsam perspé-

xerit veritatem? Vis et aliam hujus Sanguinis scrutari virtutem? Volo. Unde primum eucurrit inspicias, et de quo fonte manavit. De ipsa primum cruce processit, latus illud Dominicum initium fuit. Mortuo enim, ait, Jesu, et adhuc in cruce pendente, approximat miles, latus lancea percussit, et exinde aqua fluxit et Sanguis: unum baptismatis symbolum, aliud sacramenti. Ideo non ait: Exiit Sanguis, et aqua; sed, exiit aqua primum, et Sanguis: quia primum, baptismate diluimur, et postea mysterio dedicamur.

¶. Empti estis pretio magno: * Glorificate, et portate Deum in corpore vestro.

¶. Pretio empti estis: nolite fieri servi hominum. Glorificate...

Lectio VI.

Latus miles aperuit, et templi sancti parietem patefecit. Et ego thesaurum preclarum inveni, et fulgentes divitias me gratulor reperire. Sic et de illo agno factum est. Judæi ovem occiderunt, et ego fructum de sacramento cognovi. De latere Sanguis, et aqua. Nolo tam facile, auditor, transeas tanti secreta mysterii. Restat enim mihi mystica atque secretalis oratio. Dixi baptismatis symbolum, et mysteriorum, aquam illam et Sanguinem demonstrare. Ex his enim

sancta fundata est Ecclesia per lavacri regenerationem, et renovationem Spiritus Sancti. Per baptismum, inquam, et mysteria, quæ ex latere videntur esse prolata. Ex latere igitur suo Christus edificavit Ecclesiam; sicut de latere Adam ejus conjux Heva prolata est. Nam hac de causa Paulus quoque testatur, dicens: De corpore ejus et de ossibus ejus sumus; latus videlicet illud significans. Nam, sicut de illo latere Deus fecit foeminam procreari, sic et de suo latere Christus aquam nobis et Sanguinem dedit, unde repararetur Ecclesia.

¶. Commendat charitatem suam Deus in nobis: * Quoniam cum adhuc peccatores essemus, secundum tempus Christus pro nobis mortuus est.

¶. Multo igitur magis nunc justificati in Sanguine ipsius, salvi erimus ab ira per ipsum. Quoniam.

Gloria Patri....Quoniam.

In tertio Nocturno.

Ant. Exiit ergo Jesus portans coronam spineam, et purpureum vestimentum, et dicit eis: Ecce homo.

Psalmus 73.

Ut quid, Deus, repulisti in finem: *

iratus est furor tuus super oves pascuæ tuæ?

Memor esto congregationis tuæ, * quam possedisti ab initio.

Redemisti virgam hereditatis tuæ: * mons Sion, in quo habitasti in eo.

Leva manus tuas in superbiis eorum in finem: * quanta malignatus est inimicus in sancto!

Et gloriati sunt qui oderunt te, * in medio solemnitatis tuæ.

Posuerunt signa sua, signa: * et non cognoverunt sicut in exitu super summum.

Quasi in silva lignorum securibus exciderunt januas ejus in idipsum: * in securi, et ascia dejecerunt eam.

Incenderunt igni Sanctuarium tuum: * in terra polluerunt tabernaculum nominis tui.

Dixerunt in corde suo cognatio eorum simul: * Quiescere faciamus omnes dies festos Dei a terra.

Signa nostra non vidimus, jam non est Propheta: * et nos non cognoscat amplius.

Usquequò, Deus, improperebit inimicus: * irritat adversarius nomen tuum in finem?

Ut quid avertis manum tuam, et dexteram tuam, * de medio sinu tuo in finem?

Deus autem Rex noster ante sæcula, * operatus est salutem in medio terræ.

Tu confirmasti in virtute tua mare: * contribulasti capita draconum in aquis.

Tu confregisti capita draconis: * dedisti eum escam populis Æthiopum.

Tu dirupisti fontes, et torrentes: * tu siccasti fluvios Ethan.

Tuus est dies, et tua est nox: * tu fabricatus es auroram et solem.

Tu fecisti omnes terminos terræ: * æstatem et ver tu plasmasi ea.

Memor esto hujus, inimicus improperavit Domino: * et populus insipiens incitavit nomen tuum.

Ne tradas bestiis animas confitentes tibi, * et animas pauperum tuorum ne obliviscaris in finem.

Réspice in testamentum tuum: * quia repléti sunt, qui obscurati sunt terræ dómibus iniquitatum.

Ne avertatur humilis factus confusus: * pauper et inops laudabunt nomen tuum.

Exurge, Deus, júdica causam tuam: * memor esto improperiorum tuorum, eorum quæ ab insipiente sunt tota die.

Ne obliviscaris voces inimicorum tuorum: * superbia eorum, qui te odérunt, ascéndit semper.

Ant. Exivit ergo Jesus portans coronam spineam, et purpureum vestimentum, et dicit eis: Ecce homo.

Ant. Et bajulans sibi crucem, exivit in eum, qui dicitur

Calváriae, locum, ubi crucifixerunt eum.

Psalmus 87.

Dómine, Deus salutis meæ: * in die clamávi, et nocte coram te.

Intret in conspectu tuo oratio mea: * inclina aurem tuam ad precem meam:

Quia repléta est malis ánima mea: * et vita mea inferno appropinquávit.

Æstimátus sum cum descendentibus in lacum: * factus sum sicut homo sine adjutório, inter mórtuos liber.

Sicut vulnerati dormientes in sepúlchris, quorum non es memor ampliús: * et ipsi de manu tua repulsi sunt.

Posuerunt me in lacu inferiori: * in tenebrósis, et in umbra mortis.

Super me confirmátus est furor tuus: * et omnes fluctus tuos induxisti super me.

Longè fecisti notos meos á me: * posuerunt me abominatió-nem sibi.

Tráditus sum, et non egrediébar: * oculi mei languerunt præ inópia.

Clamávi ad te, Dómine, tota die: * expándi ad te manus meas.

Numquid mórtuis facies mirabilia: * aut médici suscitábunt, et confitebúntur tibi?

Numquid narrábit aliquis in sepúlchro misericordiam tuam: * et veritatem tuam in perditiónem?

Numquid cognoscéntur in tenebris mirabilia tua, * et justitia tua in terra obliyiónis?

Et ego ad te, Dómine, clamávi: * et manè oratio meá præveniet te.

Ut quid, Dómine, repellis oratió-nem meam: * avértis faciém tuam á me?

Pauper sum ego, et in laboribus á juventute mea: * exaltatus autem, humiliátus sum et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti á me amicum, et próximum, * et notos meos á miséria.

Ant. Et bajulans sibi crucem, exivit in eum, qui dicitur Calváriae, locum, ubi crucifixerunt eum.

Ant. Ut viderunt eum jam mórtuum, non fregérunt ejus crura; sed unus militum lanceá latus ejus aperuit, et continuó exivit Sanguis, et aqua.

Psalmus 93.

Deus ultiónum Dóminus: * Deus ultiónum liberè egit.

Exaltare qui júdicas terram: * redde retributió-nem superbis.

Usquequò peccatóres, Dómine: * usquequò peccatóres gloriabúntur:

Effabúntur, et loquéntur iniquitatem: * loquéntur omnes, qui operántur injustítiam?

Pópulum tuum, Dómine, humiliavérunt: * et hæreditatem tuam vexavérunt.

Viduam, et ádvenam interfecerunt: * et pupillos occiderunt.

Et dixerunt: Non vidébit Dóminus, * nec intélliget Deus Jacob.

Intélligite, insipientes in populo: * et stulti, aliquándo sá-pite.

Qui plantávit aurem, non áudiet? * aut qui finxit oculum, non considerat?

Qui corripit gentes, non arguet: * qui docet hóm-inem sciéntiam?

Dóminus scit cogitatiónes hóm-inum, * quoniam vanæ sunt.

Beátus homo, quem tu erudieris, Dómine: et de lege tua docueris eum.

Ut mítigés ei á diébus malis: * donec fodiátur peccatóri fovea.

Quia non repellet Dóminus plebem suam: * et hæreditatem suam non derelinquet.

Quoadúsque justitia convertátur in júdicium: * et qui juxta illam, omnes qui recto sunt corde.

Quis consúrget mihi advérsus

malignantes? * aut quis stabit mecum adversus operantes iniquitatem?

Nisi quia Dominus adjvxit me: * paulo minus habitasset in inferno anima mea.

Si dicebam: Motus est pes meus: * misericordia tua, Domine, adjuvabat me.

Secundum multitudinem dolorum meorum in corde meo, * consolationes tue lætificaverunt animam meam.

Numquid adhæret tibi sedes iniquitatis, * qui fingis laborem in præcepto?

Captabunt in animam justi: * et sanguinem innocentem condemnabunt.

Et factus est mihi Dominus in refugium: * et Deus meus in adiutorium spei meæ.

Et reddet illis iniquitatem ipsorum: et in malitia eorum disperdet eos: * disperdet illos Dominus Deus noster.

Ant. Ut viderunt eum jam mortuum, non fregérunt ejus crura; sed unus militum lancea latius ejus aperuit, et continuo exivit Sanguis, et aqua.

¶ Christus dilexit nos.

¶ Et lavit nos a peccatis nostris in Sanguine suo.

Lectio sancti Evangelii secundum Joannem.

In illo tempore: Cum accepisset Jesus acetum, dixit: Consummatum est. Et inclinato capite, tradidit spiritum. Et reliqua.

Homilia S. Augustini Episcopi.

Tract. 120 in Joann.

Vigilanti verbo Evangelista usus est, ut non diceret: Latus ejus percussit, aut vulneravit, aut quid aliud, sed, aperuit: ut illic quodammodo vitæ ostium panderetur, unde Sacramenta Ecclesiæ manaverunt, sine quibus ad vitam, quæ vera vita est, non intratur. Ille Sanguis in remissionem fusus est peccatorum. Aqua illa salutare temperat poculum; hæc et lavacrum præstat, et potum. Hoc prænuntiabat, quod Noe in latere arcæ ostium facere jussus est, quæ intrarent animalia, quæ non erant diluvio peritura, quibus præfigurabatur Ecclesia. Propter hoc prima mulier facta est de latere viri dormientis, et appellata est vita, materque vivorum. Magnum quippe significavit bonum, ante magnum prævaricationis malum. ¶ Hic secundus Adam, inclinato capite, in cruce dormivit, ut inde formaretur ei conjux, quæ de latere dormientis effluxit. O mors, unde mortui reviviscunt! Quid isto Sanguine mundius? Quid vulnere isto salubrius?

¶ Hic est, qui venit per a-

quam et Sanguinem, Jesus Christus. * Non in aqua solum, sed in aqua et Sanguine.

¶ In die illa erit fons patens domui David, et habitantibus Jerusalem, in ablutionem peccatorum. Non in aqua...

Lectio VIII.

Tenebantur homines captivi sub diabolo, et dæmonibus serviabant: sed redempti sunt a captivitate. Vendere enim se potuerunt: sed redimere non potuerunt. ¶ Venit Redemptor, et dedit pretium: fudit Sanguinem suum, et emit orbem terrarum. Quæritis, quid emerit? Videte quid dederit, et inveniatis quid emerit. Sanguis Christi pretium est. Tanti quid valet? Quid, nisi totus orbis? Quid, nisi omnes gentes? Valde ingrati sunt pretio suo, aut multum superbi sunt, qui dicunt, aut illud tam parum esse, ut solos Afros emerit, aut se tam magnos esse, pro quibus solis illud sit datum. Non ergo exultent, non superbiant. Pro toto dedit quantum dedit.

¶ Prædestinavit nos Deus in adoptionem filiorum per Jesum Christum; * In quo habemus redemptionem per Sanguinem ejus.

¶ Remissionem peccatorum secundum divitias gratiæ ejus, quæ superabundavit in nobis. In quo...

Gloria Patri... In quo...

IX. Lect. Hom. Dom.

Si transferendum est, observentur ¶ quibus indicatur distributio lectionum.

AD LAUDES, ET PER HORAS.

Ant. Hi, qui amicti sunt * stolis albis, qui sunt, et unde venerunt? Psalm. Dominus regnavit... cum reliquis de Dom.

Ant. Hi sunt, qui venerunt de tribulatione magna, et laverunt stolas suas in Sanguine Agni.

Ant. Ideo sunt * ante thronum Dei, et serviunt ei die ac nocte.

Ant. Et ipsi vicerunt draconem, propter Sanguinem Agni, et propter Testamentum Verbi sui.

Ant. Beati, qui lavant * stolas suas in Sanguine Agni.

Capitulum. Hebr. 9.

Fratres, Christus assistens Pontifex futurorum bonorum, per amplius et perfectius tabernaculum non manufactum, id est, non hujus creationis, neque per sanguinem hircorum, aut vitulorum, sed per proprium Sanguinem introivit semel in Sancta, æterna redemptione inventa.

Hymnus.

Salvete, Christi Vulnera, immensi amoris pignora, quibus perennes rivuli manant rubentis Sanguinis. Nitore stellas vincitis, Rosas odore, et balsama,

Prætio lapillos indicos,
 Mellis favos dulcedine.
 Per vos patet gratissimum
 Nostris asylum mentibus:
 Non huc furor minantium
 Umquam penetrat hostium.
 Quot Jesus in Prætorio
 Flagella nudus excipit!
 Quot scissa pellis undique
 Stillat Cruoris guttulas!
 Frontem venustam, proh dolor!
 Corona pungit spinea:
 Clavi retusa cuspidē
 Pedes, manusque perforant.
 Postquam sed ille tradidit,
 Amans, volensque spiritum,
 Pectus feritur lancea,
 Geminusque liquor exilit.
 Ut plena sit redemptio,
 Sub torculari stringitur,
 Suique Jesus immemor,
 Sibi nil reservat Sanguinis.
 Venite quotquot criminum
 Funesta labes inficit:
 In hoc salutis balneo,
 Qui se lavat, mundabitur.
 Summi ad Parentis dexteram
 Sedit habenda est gratia,
 Qui nos redemit Sanguine,
 Sanctoque firmat Spiritu.
 Amen.
 V. Justificati in Sanguine
 Christi.
 R. Salvi erimus ab ira per
 ipsum.
 Ad Benedictus.

Et videbo Sanguinem, et transibo
 vos, nec erit in vobis plaga dis-
 perdens.

Oratio.

Omnipotens sempiterna Deus, qui
 Unigenitum Filium tuum mundi
 Redemptorem constituisti, ac ejus
 Sanguine placari voluisti: concē-
 de, quæsumus; salutis nostræ præ-
 tium solènni cultu ita venerari,
 atque præsentis vitæ malis ejus
 virtutē defendi in terris, ut fructu
 perpétuo lætémur in cælis. Qui
 tecum vivit...Et sit com. Dom.

Ad Primam.

In R. brev. V. Qui tuo nos Sanguine redemisti.

Ad Tertiam.

Ant. Hi sunt...

Capit. Fratres... ut supra.

R. brev. Redemisti, nos, Domine, * In Sanguine tuo. Redemisti..

V. Ex omni tribu, et lingua, et populo, et natione. In Sanguine...

Gloria Patri... Redemisti...

V. Sanguis Jesu Christi, Filii Dei.

R. Emundat nos ab omni peccato.

Ad Sextam.

Ant. Ideo sunt...

Capitulum. Hebr. 9.

Si sanguis hircorum, et tau-

rorum, et cinis vitulæ aspersus iniquinatos sanctificat ad emundationem carnis: quanto magis Sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

R. brev. Sanguis Jesu Christi, Filii Dei * Emundat nos. Sanguis...

V. Ab omni peccato. Emundat nos. Gloria Patri... Sanguis.

V. Christus dilexit nos.

R. Et lavit nos in Sanguine suo.

Ad Nonam.

Ant. Beati qui lavant.

Capitulum. Hebr. 9.

Accipiens Moyses sanguinem vitulorum, et hircorum cum aqua, et lana coccinea, et hyssopo, ipsum quoque librum et omnem populum aspersit, dicens: Hic sanguis Testamenti, quod mandavit ad vos Deus.

R. brev. Christus dilexit nos, et lavit nos * In Sanguine suo. Christus...

V. Et fecit nos regnum, et sacerdotes Deo, et Patri. In Sanguine suo. Gloria Patri... Christus....

V. Justificati in Sanguine Christi.

R. Salvi erimus ab ira per ipsum.

In II. Vesp. Antiph. Psalm. et Hymn., ut in I. Vesp.; sed loco ult. Psalm. dicat. Psalm. Lauda, Jerusalem, Dominum...

V. Te ergo, quæsumus, tuis famulis subveni.

R. Quos pretioso Sanguine redemisti.

Ad Magnificat, Ant.

Habebitis autem hunc diem in monumentum, et celebrabitis eum solènnem Domino in generationibus vestris cultu sempiterno.

Oratio ut supra.

